

50 Vita S. Franc. de Paula

non amissum. Ulterius subdit Scriptor: *Illico recepit integritatem oculorum suorum, ac sē in eis nullum antea malum fuisset.* Si monoculus natus fuisset Franciscus, non dixisset, ac si in eis nullum antea malum fuisset, sed potius ac si eo nunquam fuisset orbatus. *Malum* significat morbum, quem passus in oculo fuerat, non cæcitatem, quam nunquam pertulerat.

Sic explicatis Scriptoris nostri verbis, ad Testem Turonensem dicimus, quod vel Pater ille, qui concionabatur, ex hujus historiae forsan, aliquantulum obscuræ, quod non diffitemur, lectio deceptus, id affirmaverat, vel quod testis ipse Concionatorem aliter dicentem, ut plerunque evenit, non bene percepérat.

VIII. DEDERUNT EI NOMEN GLORIOSI S. FRANCISCI) Philippi Cominei hinc error convincitur apertissimè, qui Robertum pro Francisco Sanctum virum appellavit. Nemo, quem sciamus, hunc Philippi errorem secutus est, cum contra eum omnia monumenta clament, præter unum Jacobum Pignatellum declam. 10. fol. 170. Accuratissimus profectò Comineus fuit in rebus ad Francie historiam pertinentibus describendis, ac fidelissimus; itaut plenè, quod antea promiserat, executus fuerit; neminem scilicet se palpatum, veritatem nudè, & simpliciter, prout à viris fide dignissimis comperisset, perpetuò sectaturum. Unde Belcarius religiosum dixit in historia scribenda; Papirius natura amantissimum veri protulit: & Justus Lipsius dignum Alexandris omnibus Philippum nuncupavit. In rebus autem Francisci nostri describendis, quæ alienæ ab hominis Aulici genio erant, quis prohibet eum dicere hallucinatum? Verum & de hoc peculiaris Dissertatio, quæ numero prima erit, in sequentibus instituetur.

IX. ENUTRIVIT PROPRIIS MAMMILLIS) Feliciorem, ait
con Gel-